

Mahathir - Calon  
PELUANG PEMIMPIN TERLIBAT POLITIK WANG UNTUK JADI CALON TERJEJAS

KUALA LUMPUR, 19 Jun (Bernama) -- Datuk Seri Dr Mahathir Mohamad berkata pindaan Perlembagaan UMNO bagi membanteras politik wang, yang diluluskan sebulat suara hari ini, tidak akan dikebelakangkan tarikh penguatkuasaannya.

Bagaimanapun, Perdana Menteri berkata, mana-mana anggota UMNO yang terlibat dengan politik wang pada pemilihan parti tahun lepas mungkin kehilangan peluang dipilih menjadi calon Barisan Nasional (BN) pada pilihan raya umum akan datang.

"Pindaan itu akan diambil kira (dalam menentukan pemilihan calon UMNO bertanding atas tiket BN pada pilihan raya umum)," katanya pada persidangan akhbar pada akhir Perhimpunan Agung Khas UMNO itu di sini hari ini.

Dr Mahathir, yang juga Presiden UMNO, berkata tarikh penguatkuasaan pindaan itu tidak boleh dikebelakangkan bagi menjamin keadilan kepada anggotanya.

Bagaimanapun katanya bukti mengenai penggunaan wang pada pemilihan UMNO tahun lepas akan diambil kira untuk memastikan parti itu mengemukakan calon yang bersih mewakili BN pada pilihan raya umum nanti. -- Lagi.

♥19/06/22-00MST

BA088

R PB 19-06 00101

aab

Mahathir - Calon 2 Kuala Lumpur

Dr Mahathir berkata, pindaan perlembagaan itu hanya berkuatkuasa selepas diluluskan Pendaftar Pertubuhan.

Pindaan itu akan dikuatkuasakan oleh Jawatankuasa Disiplin yang sedia ada, katanya.

"Jika (anggota) Jawatankuasa Disiplin pula yang terlibat, Majlis Tertinggi (MT) boleh mengambil tindakan (terhadap mereka)," katanya.

Beliau berkata, mereka yang tidak berpuas hati dengan keputusan Jawatankuasa Disiplin boleh merayu kepada MT. Keputusan MT adalah muktamad.

Beliau berkata, takrif politik wang melibatkan juga segala jenis ganjaran material yang bernilai termasuk kereta, tanah dan lawatan-lawatan percuma ke luar negara. -- Lagi.

♥19/06/22-01MST

BH803

R PB 19-06 00117

AAB

Mahathir - Calon 3 (Akhir) Kuala Lumpur

Dr Mahathir berkata, takrif khusus mengenai politik wang akan ditentukan Jawatankuasa Disiplin parti itu.

Katanya, tindakan terhadap mana-mana anggota parti yang terlibat dalam politik wang akan dihebahkan kepada umum melalui akhbar.

"Badan Pencegah Rasuah juga boleh mengambil tindakan terhadap mana-mana anggota parti yang terlibat dengan politik wang jika ia turut membabitkan undang-undang negara," katanya.

Perdana Menteri berkata, beberapa anggota komponen BN sudahpun menyatakan minat membuat pindaan yang sama pada perlembagaan mereka untuk membanteras politik wang.

Bagaimanapun, katanya, BN tidak akan memaksa anggotanya menurut jejak langkah UMNO dan ia menyerahkannya kepada budi bicara masing-masing. -- Bernama.

AH AZG KAM.